

Swnjcienz Caeuq Gaij-ndei Ndangdaenj Ginghcuz

□ Godoq comz hoiz



▲Ndangdaenj mehmbwk Ginghcuz.



▲ Ndangdaenj bouxsai Ginghcuz.



▲ Fanz Vwnzyingh baijok gij ndangdaenj de guh haenx.



▲ Fanz Vwnzyingh cingq guh ndangdaenj Ginghcuz.



▲Ndangdaenj Ginghcuz ndeiyawj.

Ginghcuz dwg Guengjsae 12 aen minzcuz cojyouq ndawde aen ndeu, hix dwg guk raeuz aen minzcuz vunznoix dog comzyouq henzhaij, baengh haij guhgw ndeu. Dugh-hingh Si Gyanghbingz Cin Vuhdaeuz, Vanvej, Sanhsinh sam aen dauj vunzraeuz heuhguh "Ginghcuz sam dauj", dwg gizdieg 2 fanh lai beixnuengx Ginghcuz comzyouq.

Ndangdaenj Ginghcuz cojcienz dwg aen bingzdaiz daeuz swnjcienz vwnzva cojcienz Ginghcuz. Ndangdaenj Ginghcuz aeu baengzcouz guh liuh, unqnemq soengsup, saedyungh youh ndeiyawj, yienjok gij daegdiemj minzcuz dwkbya dwknyaen noengzna haenx.

Bi 2010, gij dinfwngz guh ndangdaenj Ginghcuz ndaej lied haeuj Gvangjsih Bouxcuengh Swcigih daihsam buek feihvuzciz vwnzva yizcanj mingloeg, Fanz Ayingh ndaej dingh guh bouxswncienz. De dwg Bouxgun, danhseih de dwg cangh rox dinfwngz guh ndangdaenj Ginghcuz ndeu, neix ndaw guk raeuz mbouj miz geijlai boux; de hix dwg boux daih'it gaijndei ndangdaenj Ginghcuz.

Fanz Vwnzyingh seng youq 20 sigij 60 nienzdaih, de 20 bi haindu

hag guh ndangdaenj Ginghcuz, seizneix 30 lai bi gvaqbae lo, ndawde yienznaeuz miz seiz mbouj swnhleih, danhseih de cungj dingguh roengz-daeuj. "Gij yienzaen dingguh roengzdaeuj miz song aen, it dwg gyaemaij ndangdaenj Ginghcuz; ngeih dwg vunz Ginghcuz gyaem ndangdaenj Ginghcuz." Fanz Vwnzyingh naeuz. De seiziq couh gyaem guh hong caiznyib daengj hongfwngz, daj de caeuq saefouh hag guh ndangdaenj Ginghcuz le, engqgya ndek mbouj ndaej lo, sim caem youq ndaw, sim maez youq ndaw.

30 lai bi daeuj, Fanz Vwnzyingh mbouj dingz mbouj duenh hagsib,

yenzgiu gij dinfwngz guh ndangdaenj cojcienz Ginghcuz, de doq swnjcienz doq gaijndei, guhbaenz le "ndangdaenj Ginghcuz Fanzsi" daegsaek noengzna. Caeuq ndangdaenj cojcienz Ginghcuz doxbeij, "ndangdaenj Ginghcuz Fanzsi" engqgya yawjnaek gij gyaundeih sienqdiuz, baengzcouz lai mbang lai mbaeu, engqgya lai hawj vunz raen gyaundeih. Ndangdaenj Ginghcuz dingzlai aeu couz guh baengz, aeu fwngz nyib guh, neix cijndaej engq ndei yienh'ok gij maenhndei de. Ndigah haujlai bi doxdaeuj Fanz Vwnzyingh dingguh aeu fwngz rau ndang dingh guh ndangdaenj, mbouj baenz buek guh.



▲ Fanz Vwnzyingh coengh gyoengq bouxyienj cingjeix ndangdaenj Ginghcuz.



▲ Dahlgw Fanz Vwnzyingh ciepx daxmeh de hag guh ndangdaenj Ginghcuz.



▲ Diuzcik, faggeuz, rinveh dwg honedawz noix mbouj ndaei haenx.



▲ Ndangdaenj Ginghcuz miz daegsaek lai.